

GEBED: OOR KAAPSTAD



Efesiërs 6:10-11, 18 “Eindelik, my broeders, word kragtíg in die Here en in die krag van sy sterkte. Trek die volle wapenrusting van God aan, sodat julle staande kan bly teen die liste van die duiwel. ¹⁸Terwyl julle met alle gebed en smeking by elke geleentheid bid in die Gees, en juis daartoe waak met alle volharding en smeking vir al die heiliges ...”

Amanda Buys se Geestelike Dekking

Hierdie is 'n produk van *Kanaan Bedienge*, 'n nie-winsgewende bediening onder die dekking van Roly, haar eigenoot vir meer as 40 jaar.

*Daar is geen kopiereg op hierdie materiaal nie.
Geen gedeelte van hierdie materiaal mag egter
gereproduseer en/of aangebied word vir **persoonlike**
gewin nie. Alle regte van hierdie materiaal word
voorbehou om die Koninkryk van ons
Messiah Y'shua HaMashiach¹ / Jesus Christus
ALLEENLIK te bevorder.*

Vir verdere inligting of die plaas van 'n bestelling,
kontak ons asb. by:

Tel: +27 (0) 60 825 5780
Faks: 086 681 9458
e-pos: kanaan@iafrica.com
Webblad: www.kanaanministries.org

Kantoorure: Maandag tot Vrydag, 9vm - 2nm

Nederland

Priscilla Boiten: Media Manager Europe
email: orders@kanaanministries.nl

Kanaan International Website

Website: www.eu.kanaanministries.org

¹ Hebrew meaning: The ANOINTED one

Inhoud

Verklaring van vertroue in YHVH se Beskerming	4
Gebed oor Kaapstad	5
SEëN	9

Verklaring² van vertroue in YHVH se Beskerming ...

Geen wapen teen ons gesmee sal stand hou nie en elke tong wat teen ons opstaan in oordeel, veroordeel ons. Dit is ons erfdeel as diensknegte van Messiah Y'shua en ons geregtigheid is van U. Diegene wat teen ons gepraat of gebid het, of probeer het om ons skade of boosheid aan te doen, of wat ons verwerp het, vergewe ons, en ons seën hulle in die Naam van Y'shua.

Matthéüs 5:43-45 *“Julle het gehoor dat daar gesê is: Jy moet jou naaste liefhê en jou vyand moet jy haat. Maar Ek sê vir julle: Julle moet jul vyande liefhê; seën die wat vir julle vervloek, doen goed aan die wat vir julle haat, en bid vir die wat julle beledig en julle vervolg; Sodat julle kinders kan word van julle Vader wat in die hemele is; want Hy laat sy son opgaan oor slegtes en goeies, en Hy laat reën op regverdiges en onregverdiges.”*

Romeine 12:14 *“Seën die wat julle vervolg, seën en moenie vervloek nie;”*

Nou verklaar ons, Vader, dat U alleen ons VERLOSSER is, en dat daar buiten U, geen ander is nie - 'n Regverdige en Redder, die Vader, die Seun en die Gees - en ons aanbid U!

Ons onderwerp onself opnuut aan U op hierdie dag in onvoorwaardelike gehoorsaamheid. Nadat ons ons aan U onderwerp het, doen ons soos U Woord voorskryf. Ons weerstaan die duiwel: al sy druk, aanvalle en misleidings, elke instrument of agent wat hy teen ons probeer gebruik. Ons onderwerp ons nie aan hom nie! Ons weerstaan hom, dryf hom van ons af weg en sluit hom uit van ons, in die Naam van Y'shua. Spesifiek verwerp en weerstaan ons enige siekte, pyn, infeksie, inflammasie, kwaadaardighede, allergieë, virusse en enige vorm van toordery.

Laastens Vader, dank ons U dat deur die offer van Y'shua aan die kruis, ons nou nie meer onder die vloek is nie, maar ingegaan het onder die seën van Abraham, wie U seën in alle dinge - verhoging, gesondheid, voortplanting, voorspoed, oorwinning en YHVH se Guns.

Galásiërs 3:13-14 *“Christus het ons losgekoop van die vloek van die wet deur vir ons 'n vloek te word - want daar is geskrywe: Vervloek is elkeen wat aan 'n hout hang - sodat die seën van Abraham na die heidene kan kom in Christus Jesus, en dat ons die belofte van die Gees deur die geloof kan ontvang.”*

AMEN!

² Original English version written by Derek and Ruth Prince.

Gebed oor Kaapstad

Hierdie gebed kan aangepas word vir ander stede ...

Vader, in die Naam van Jesus, vra ons U om elke ding wat op U hart is te volbring. Ons maak die poorte van Kaapstad oop, ten einde alles te volbring wat op U hart is. Here, ons is hier vir U; o Seun van Dawid, ons is U s'n. Ons is nie hier om ons eie doel en wil te bereik nie, maar om U te verheerlik.

Ons vra dat U sal beweeg deur die krag van U Gees. Ons maak die deure van ons harte oop; ons maak die poorte van Kaapstad oop. Ons maak die poorte in die hemele, die aarde en onder die aarde oop. Ons maak die poorte vir U oop sodat U kan binnekom op 'n nuwe wyse, sodat U Koninkryk kan kom, U Koninkryk gevestig kan word, U doel vervul kan word, en U wil in ons lewens volbring kan word – in ons families, en in Kaapstad!!

Ons vra dat U wil hier op aarde sal geskied soos in die hemel. Laat dit so wees, Here, dat geeneen van U planne sal faal nie; geeneen van U raadsplanne sal val nie. Ons vra dat U ons sal beweeg, aandryf deur die krag van U Gees, sodat elke gedagte in U hart, elke raadsplan van U, vervul sal word. Ons dank U, Vader, omdat U magtig is om veel meer te doen as wat ons kan bid of dink, omdat ons vra in die magtige, wonderlike Naam van Jesus Christus.

Jakobus 4:7 "Onderwerp julle dan aan God; weerstaan die duiwel, en hy sal van julle wegvlug."

Onderwerp jou aan God op 'n nuwe wyse. Onderwerp jou gees, jou siel, jou hart, jou verstand, jou ingesteldheid, jou liggaam (sodat moegheid nie die oorhand kry nie), vir die doel van Sy werke, omdat die Here 'n nuwe ding wil doen!!

Here, ek kom nederig voor U te staan vandag. Ek onderwerp myself aan U, ek, _____, onderwerp my gees, siel, liggaam, hart, alles in my, ek onderwerp my vermoëns, my ledemate, my geheue, my gedagtes aan U. Ek onderwerp my verstandsingesteldheid.

Ek onderwerp selfs die Woord wat U aan my gegee het. Ek onderwerp my totaal aan die Heilige Gees. Ek onderwerp myself aan die hulp, die Leierskap, die salwing, en die krag van my Almagtige God; aan die lewendmaking van die Heilige Gees en aan die krag van Sy Woord. Ek onderwerp myself aan U.

Ons onderwerp die atmosfeer op hierdie terrein aan U, ons onderwerp vanaf die hoogste hemele tot by die diepste van Kaapstad aan U. Ons onderwerp dit aan U en vra U om dit te bring onder die dekking van die Bloed van Jesus. Dankie Vader.

Laat ons nou ons stemme verhef en Bid en die vyand weerstaan

Vader, ons pleit die Bloed van Jesus Christus oor die atmosfeer van Kaapstad. Ons pleit die Bloed van Christus oor die inwoners van Kaapstad; oor die hemele, die son, die maan en die sterre. Onder die aarde bring ons ook die inspraak van die Bloed van Jesus en ons verklaar aan die magte van duisternis: die bloed van Jesus is teen jou, die Bloed van Jesus veroordeel jou werke op elke gebied waar jy ons wil hinder, op elke gebied waar jy ons wil teenstaan! Ons bestraf jou, ons weerstaan jou, ons frustreer jou planne! Ons ontwortel elke gedagte, elke plan en elke idee wat jy in die harte van mense geplant het ten einde die Heilige Gees en die Woord van God teen te staan. Ons ontwortel al hierdie dinge in die Naam van Jesus. Ons keer die strydwaens van die vyand in die hemele om oor hierdie stad! Ons vra dat God se wil hier op aarde gedoen sal word soos in die hemel.

Kom ons vat nou hande en bid saam

Hemelse Vader, ons dank U, die Vader van onse Here Jesus Christus, die ewige God. Die Skepper van die hemel en die aarde, die God wat die son en die maan en die sterre gemaak het; die God wat die hemel uitgesprei het soos 'n gordyn, die God wat sit op die beperkinge van die aarde, en die inwoners is soos sprinkane voor Hom.

Die Almagtige God, die God wat die grense stel vir die seë, sodat selfs al dreun hulle met vele branders, hulle nie hul grense kan oorsteek nie.

Onse Vader, ons dank U, die God van Israel, die God van Abraham, Isak en Jakob. Ons verhoog U Naam in Kaapstad vandag, omdat U Kaapstad geskep het; U het 'n stad geskep vir U genot en vir U alleen.

Die Woord sê dat U selfs territoriale engele aangestel het om die wag te hou oor daardie dele van lande wat U geskep het vir verskillende mense om in te woon. Vader, ons dank U, omdat, toe die mens sy outoriteit verloor het in die tuin van Eden, het U U Seun, Jesus Christus gebring, en Hy het ons verlos. Hy het versoening bewerkstellig tussen U en alle ander dinge deur Sy Bloed (**Kolossense 1:20**).

Daarom, hier waar ons vandag by hierdie altaar staan, bring ons die Stem van die Bloed van Jesus oor Kaapstad; ons bring die Stem van die Bloed van Jesus teen die stemme van die altare van die duiwel. Ons bring die Stem van die Bloed van Jesus in die son, maan, en die sterre. Ons bring die Stem van die Bloed van Jesus in die waters van Kaapstad en ons bring die Stem van die Bloed van Jesus in die Weskaap. Ons bring die Stem van die Bloed van Jesus selfs in die binneste dieptes van die aarde, in die grafte. Daar staan geskrywe: Toe Hy opgevaar het in die hoogte, het Hy die gevangenes gevange geneem en gawes aan die mense gegee (**Efesiërs 4:8**).

Ons verklaar nou die Heerskappy van Jesus Christus van Nasaret oor Kaapstad. Ons keer die strydwaens van die vyand om; elke verwelkomingsparty wat die vyand gereël het in Kaapstad vir satan en sy dienaars; elke teenkanting wat die vyand in plek geplaas het om die plan en doel van God te verhinder. Ons stroop daardie opposisie van alle krag, ons frustreer die gedagtes van leuenaars, ons verklaar waarsêers tot verwarring en ons draai al hul 'wysheid' om, en hul kennis verklaar ons tot dwaasheid.

Ons verwyder die wiele van hul strydwaens, in die Naam van Jesus!! Ons kanselleer hul eise, deur die stem van die Bloed van Jesus; enigiets wat in plek geplaas is in die geestesrealm ten einde God te opponeer en die Kerk van Jesus Christus te opponeer, om ons te opponeer ten einde vorentoe te beweeg; om ons teen te staan in die raadsplan van God; om ons teen te staan in ons ontvangs van genade; om te verhinder dat ons 'n vars salwing ontvang – ons weerstaan daardie magte van duisternis, in die Naam van Jesus Christus van Nasaret.

Ons profeteer vir die poorte van Kaapstad: Hef op julle hoofde, O poorte, ja, verhef julle, ewige deure, dat die erekoning kan ingaan!! (**Psalm 24:9**)

Ons profeteer vir die poorte en die deure van die harte van mense: **Hef op julle hoofde, o poorte, ja, verhef julle!** Laat die Woord van God vrugbaar wees, laat dit vloei soos 'n rivier van lewe, laat dit ons, die Liggaam was, ten einde die Bruid voor te berei, om ons te maak sonder vlek of rimpel. Laat die Woord van God wees soos vuur wat elke vullisgat van leuens in Kaapstad uitbrand! Alles wat die duivel in plek geplaas het, die eeue-oue altare wat in plek geplaas is, laat die Woord van God wees soos vuur wat hierdie dinge verbrand en vernietig!!

Ons verklaar God se besoeking oor Kaapstad in hierdie dag. Ons verklaar die wraak van God teenoor Sy teëstander. Here, ons vra dat U verwarring sal skep in die vyand se kamp in die hemele; laat U hemele geopen word, laat die hemele van God geopen word oor Kaapstad! Ons vra dat U U territoriale engele sal uitstuur; die engele in bevel van U doel en plan vir Kaapstad! Ons vra dat U hierdie engele sal uitstuur op grond van U Woord wat sê dat hulle aangestel is om te dien in die jaar van redding.

Ons vra U om hulle uit te stuur. Stuur hulle uit! Stuur U strydwaens van vuur; stuur U perde oor hierdie stad, sodat die wil van God gedoen kan word in Kaapstad, net soos in die hemel.

Here, ons/ek bied onself/myself, _____/_____, aan U vandag. Ek onderwerp my talente aan U. Ek bid dat die Woord van God sal seëvier; dat die Woord van God vrylik uit my sal vloei, Vader, sodat Jesus verheerlik kan word. Ons bid, Here, dat die Heilige Gees sal beweeg op 'n besondere wyse; 'n wonderlike wyse, dat die saad van die Woord van God geplant sal word en elke doring onwortel sal word wat gestuur is om dit te versmoor; elke misleidende tong onwortel sal word – sodat die Woord van God behoorlik geplant kan word! Here, ons bid dat U die geestelike ore van alle mense sal open, sodat hulle sal hoor wat die Gees vandag vir die Kerk sê. Dankie Vader, omdat U in staat is om te doen ver bo alles wat ons kan bid of dink, omdat U krag aan die werk is in ons. In die Naam van Jesus Christus van Nasaret.

Here, ons dank U vir hierdie dag. Weereens wy ons ons vergadering hier, aan U toe. Here, indien daar enigiets verkeerd is in ons as individue of hierdie korporatiewe vergadering, vra ons dat U ons gereed sal maak om waardig te wees om U Stem te hoor. Ons kom in geloof; ons bring die Bloed van Versoening. Here, ons vra U nou om dit te sprinkel in die geestesrealm, in die Naam van Jesus Christus, vir versoening en verlossing. Ons petisie, o God, toelating tot U midde, deur geloof, in die Naam van Jesus.

Weereens, wy ons hierdie vergadering in heiligheid aan U toe, ons verwyder elke inset uit die hel vanuit hierdie plek, in die Almagtige Naam van Jesus.

Ons sny en ontkoppel alle rangskikkings van leylines, en verbreek alle verbindings met okkultiste, Buddhiste, Vrymesselaars en New Agers.

Ons spreek in die hemelse plekke in; ons spreek in die maan, die son en die sterre, deur die Bloed van Jesus Christus; Ons wis elke woord uit wat ooit gesprek is teen die werke van God, die bevale van die towenaars en die territoriale verteenwoordigers van duisternis; ons wis dit totaal uit in die Naam van Jesus!!

Ons verklaar dat U Koning is!! Ons bevestig U troon op hierdie dag!

Dankie, onse Vader, in Jesus se Magtige Naam!!

AMEN!

SEëN

Númeri 6:24-26

“Y’varekh’kha YHVH v’yishmerekha.
Die HERE sal jou seën en jou behoed.

Ya’er YHVH panav eleikha vichunekka.
die HERE sal sy aangesig oor jou laat skyn en jou genadig wees.

Yissa YHVH panav eleikha v’yasem l’kha shalom.
die HERE sal sy aangesig oor jou verhef en aan jou vrede gee.

Númeri 6:27 *“So moet hulle dan My Naam op die kinders van Israel lê; en Ek sal hulle SEëN.”*

